



Synfocity = 977

mail us at : mzsynfo@gmail.com; mizoramsynod@gmail.com - Phone - 2314648

March 20, 2025

❑ Mizoram Christian College buatsaih 'Lenbuang' lekhhabu tlangzarh a ni

March 13, 2025 (Ningani) khan Mizoram Christian College-a Mizo Department buatsaih 'Lenbuang' (Mizo Christian Literature Zirzauna), Theology leh Secular lam zir chianna thuziak awmna chu J.M. Lloyd Hall, Synod Office-ah Rev. V.L. Luaia Hranleh, Senior Executive Secretary, Mizoram Synod-in a tlangzarh a, Rev. V.L. Luaia Hranleh chuan MCC-in lekhhabu rotling Mizo hnam leh literature tana hlu tak tur an tichhuak thei chu achievement ropui a tlin thu a sawi a ni.

Lekhhabu tlangzarh inkhawm hi P.C. Lalnghakzuala, Head of Department, Mizo Department-in a kaihruai a. Dr. H. Laldinmawia, Assistant Professor, Pachhunga University College-in lekhhabu sawi hawnna hun hmangin secular lama zir chianna huang la luah tam lo tak, Mizo Christian Literature zir chianna leh seminar MCC-in an buatsaih leh lekhhabu a an chhuah thei chu Mizo literature huanga a hlutzia a sawi a ni. MCC Principal, Dr. Tawnenga pawhin thu sawiin, Mizo Department, MCC-in thawh hona tha tak nena zir chianna lekhhabu an tichhuak thei chu lawmawm a tih thu a sawi a. MCC-in zirna kawnga hmalakna hrang hrang an neih te sawiin, zirna leh Mizo hnam tana tih tur tam tak la awmah MCC chuan theihtawpa hma a lâk zel tur thu a sawi bawk.

Lenbuang lekhhabu hi June 23, 2023-a 'One Day International Seminar on Mizo Christian Literature' an buatsaiha sawm bikte thu leh hla bakah; College Zirtirtu leh Theologian hrang hrangte thuziak, Mizo Kristian thu leh hla thlurbingna hrang hrang dah khawm a ni a. Mi 31 zetin thuziak thawhin pheh 340-a chhah a ni a, a man hi ₹ 300/- a ni.

❑ Synod Revival Speaker-te pualin riahchilh intuaitharna neih a ni

Synod Revival Speaker-te tana buatsaih Intuaitharna hun chu March 18-21, 2025 chung hian Youth Recreation Centre, Falkland-ah riakluta neih a ni a, Revival Speaker 67 an kal thei a, damlohna avangin mi pathum an tel thei lo a ni.

Intuaitharna programme hi March 18, 2025 (Thawhlehi) zan khan hawnna inkhawm neih a ni a, Synod Moderator Rev. R.C. Lalnghakliana'n Keynote Address a sawi a, hemi hunah hian Leitan Bial Zaiawl leh Nl. J. Lalruatsangi, Sihphir te an zai a ni.

Intuaitharna hun an hman chung hian Revival Speaker-ten an rawngbawl zelna tur atana pawimawh thupui chi hrang hrang - Thlarau Thianghlim leh Kohhran, Thlarau Thianghlim leh a hnathawh, Thlarau Thianghlim a nihna leh a mizia leh, Thlarau Thianghlim leh Harhna chungchang te an zir ho a, heng thupuite hi mithiam hrang hrangten an zirtir thin a, sawi hona neih thin a ni bawk.

March 20, 2025 (Ningani) zanah kharna inkhawm neih a ni ang a, Rev. V.L. Luaia Hranleh, Senior Executive Secretary-in thu a sawi ang a, Zemabawk Bial Zaiawl an zai bawk ang.

Tun dinhmunah Synod Revival Speaker 70 (mipa 68 leh hmeichhia 2) an awm mek a, harsatna dang a awm a nih loh chuan Synod Revival Speaker-te puala riak luta Intuaitharna hun hi kum tin neih thin a ni.

❑ Synod Hospital, Nephrology Ward thar hawn a ni

March 19, 2025 (Nilaini) chawhma dar 11 khan Synod Hospital, Durtlanga Nephrology Ward thar Kal (Kidney) lama harsatna nei bikte enkawl na chu Rev. R.C. Lalnghakliana, Synod Moderator-in a hawng. Hawnna inkhawm hi Dr. R.L. Sanghluna, Hospital Director-in a kaihruai a, Upa Lalrinmuana, Coordinator-in report a pe a, Dr. Joseph Lalhmachhuana, Super Specialist-in thu tawi a sawi hnuah Rev. R.C. Lalnghakliana, Synod Moderator-in damloten Pathian Thlarau Thianghlim pawlna leh taksa lama damna an chan ngei theihna turin Nephrology ward thar chu Pathian hnenah hlanin a hawng a ni.

Report-a tarlan danin Dr. Joseph Lalhmachhuana, MD Medicine chuan kum 2019-2022 chungin RN Hospital, West Bengal-ah zir lehin Super Specialist (Nephrology) zir zovin December 2022 khan Synod Hospital-ah a kir leh a. Super Specialist Doctor an awm hnuah Nephrology Unit-in hma a sawnin, mamawhtu an tam tial tial a, churang chuan Nephrology puala ward neih a tul hle a, committee-ah te thlen niin hmalak chhoh a ni ta a ni. Nephrology Ward-ah hian khum 14 (sawmpali) a awm a, Hospital Information Management System (HIMS) nen thlun zawma kalpui nghal vek a tul avangin chung pawh chu tihtheih tura ruahman fel vek a ni. Building sak hna hi Wonder Builder, Durtlang ten an thawk a ni.

☐ **ATC Valedictory Service**

Mizorama Pathian thu zirna inpui leh hlun bera ngaih, Aizawl Theological College (ATC) chuan March 19, 2025 (Nilaini) chawhnu dar 1:30 khan kum 2024-2025 Academic Session chungha zirlaite thlahna hun an hmang.

Valedictory Service hi ATC Chapel-ah neih niin Rev. Prof. Tlanghmingthanga, Principal-in a kaihhrui a, inkhawm hruiuin kal khawmte chu Pathian be turin a sawm a, Rev. V.L. Krosschhuanmawia'n tawngtaia bul a tan zawhah, Rev. Lalhlmpuia kaihhruiin sual thupha chawina hun hman a ni a, hetiang tawngtaina inhlana nih hnu hian zirlai thlah turte mipui hriatah an hmang lama din tir an ni. Rev. R.C. Lalngkhakliana, Synod Moderator-in Valedictory Address a sawi a, ATC Principal kaihhruiin zirlai kal chhuakten an thiamna leh an hriatna te Pathian ropui nan an hlan a ni. Thlahna thuchah Faculty aiawhin Rev. Lalduhawma Ralte leh zirlai aiawhin David Lalramthara ten an sawi baw. Upa Vanlalsawma Siakeng, Synod Secretary-in Prize hrang hrang - Upa R. Zobela Memorial Prize, Rev. Liandova Memorial Prize in Homiletics, Rev. J.M. Lloyd's Prize in Preliminary Greek, Rev. Dr. & Mrs. C. Vanlalhrui's Prize in Preliminary Hebrew, Upa Prof. C. Lalkima's Prize in Library Knowledge, Rev. Dr. Zaihmingthanga's Prize for Best Bible Readers, Chalthluai Memorial Prize for duly completed Doctoral studies in Pastoral Care and Counselling te chu zirlai ti thate hnenah a hlan a, Rev. V.L. Luaia Hranleh, Senior Executive Secretary-in zirlai kalchhuak turte hnenah Certificate a hlan baw. ATC Male Voice te tum hnih an zai a, hun tawpaw Prof. Lalrindiki Ralte-in lawmthu sawiin Rev. C. Lalsangliana, TEB Member-in malsawmnain a tin a ni.

Zirlai thlahte hi B.D 29; M.Th 31; D.Th 13 leh D.C.P.C. 5, an vaiin mi 78 an ni a, Valedictory Service hi ATC-a thawktute leh zirlaite bakah, Synod hotu pawimawh te, Theological Education Board member te leh he hun hmanpui tura sawm bik mi thahnem tak an tel a ni.

☐ **MSSU leh Synfo buatsaih NPSS Mal zai intihsiaik**

MSSU leh Synfo tawngkawpin an buatsaih, NPSS Mal zai intihsiaik (Junior Department - Senior Department) Elimination Round chu March 13-15, 2025 chung khan neih a ni a. Elimination round hi Kohhran 20-ah neih niin, mi 764-in intihsiaknaa tel turin hmang an thehlu a, chung zing atang chuan mi 68-in Elimination Round hi an paltlang a ni. March 20-21, 2025 chung hian Tuikual Presbyterian Kohhran Hall-ah Second Round neih a ni a, Top 10 thlan nghal a ni ang. March 28, 2025 (Zirtawpni) chawhma Dar 10:00-ah lawmman semna leh a kharna hun hman a ni ang.

Intihsiaknaah hian lawmman pakhatnain ₹ 70,000/-, pahnihnain ₹ 50,000/- leh pathumnain ₹ 30,000/- an dawng ang a, Top 10 a tlingten ₹ 5,000/- theuh an dawng baw ang.

☐ **Mizoram Christian College (MCC)**

March 14, 2025 (Zirtawpni) khan Irrigation & Water Resources Department, Govt. of Mizoram leh Mizoram Arts Development Society te tawngkawp chuan '28th International Day of Action for Rivers' pualin College zirlaite tan Painting Competition a buatsaih a, thupui (theme) atan hian "Our Rivers, Our Future" tih hman a ni. He Painting Competition-ah hian College hrang hrang atangin mi 32 an tel a, Mizoram Christian College atanga tel R. Lalfakzuala, 2nd Semester, Department of Public Administration chu pathumna a ni.

☐ **Finance**

March 18, 2025 (Thawhlehi) chhun dar 12 khan Committee Room-I, Synod Office-ah Synod Auditor's Meet neih a ni a, he hun hi Rev. V.L. Luaia Hranleh, Senior Executive Secretary-in kaihhruiin Rev. Dr. K. Lallawmzuala, Finance Officer-in hunserh a hmang a, meet-ah hian Audit chungchanga thil pawimawh leh tul hrang hrang te sawiho a ni. Synod Auditor-te hi mi 20 an ni.

☐ **MSSU**

March 22, 2025 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

Khawbung Bial : Upa B. Lalhmunliana leh Upa Zionparlawma
 Hnahthial Bial : Upa K. Zoremsanga leh Upa Isak Zarzolia Chhangte
 Lungdai Bial : Upa K. Vanlalngkhaka, Upa Lalrinawma Ralte leh Upa Zomuana Ralte

❑ **Worship**

March 19-20, 2025 chung hian Chhiahtlang Kawn Veng Bial leh Chhiahtlang Venghlan Kohhranah Zai hruai training neihpuiin Pu H. Lalrinmawia, Senior Music Instructor a kal.

❑ **Social Front**

♦ March 22-23, 2025 chung hian Tlungvel Vengthar Kohhranah Ramngaw, Nungcha leh Tuihna humhalh Seminar leh Awareness Campaign nei turin campaigner-te, Upa Lalnuntluanga leh Pu P.C. Lalchhandama te an kal ang.

♦ March 23, 2025 (Pathianni) chawhnu hian Chanmari West Hmar Veng Kohhranah 'Ruihlo Do' Awareness Campaign nei turin Rev. Dr. H. Lalnunmawia, ATC a kal ang.

❑ **Synod Mission Board**

♦ **Jharkhand Mission Field**

March 16, 2025 (Pathianni) khan belhtu thar 12 an awm a, kohhran pawl dang atangin mi pali kan kohhranah an rawn inpe bawk.

♦ **Assam Mission Field**

March 16, 2025 (Pathianni) khan belhtu thar panga an awm.

♦ **Delhi Mission Field**

March 16, 2025 (Pathianni) khan belhtu thar pariat an awm.

♦ **Arunachal & Assam Mission Field (West)**

March 16, 2025 (Pathianni) khan belhtu thar pahnih an awm.

♦ **Arunachal & Assam Mission Field (North)**

March 16, 2025 (Pathianni) khan belhtu thar pakhat a awm.

♦ **Karbi Anglong Mission Field**

March 16, 2025 (Pathianni) khan belhtu thar pahnih an awm.

♦ **Patna Mission Field**

March 16, 2025 (Pathianni) khan belhtu thar 12 an awm.

♦ **Cachar Tlangram Mission Field**

March 16, 2025 (Pathianni) khan belhtu thar pasarih an awm.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Darlung	Vanduaina tawk	1	₹ 10,000/-
2.	Sakawrdai Chhimveng	Damlo	1	₹ 10,000/-
3.	Ramthar Tlangveng	Damlo	1	₹ 10,000/-
4.	Phainuam	Damlo	1	₹ 10,000/-
			Belh khawm	₹ 40,000/-

February thla chungna harsatna hrang hrang tawkte hnenah Synod Relief Fund atanga chhawmdawlina sem zat chu ₹ 5,56,000/- a ni.

❑ **FM Zoawi - Aizawl & Lunglei : Hruaina Eng Radio Programme**

March 21, 2025 (Zirtawpni) @ 7:30 p.m. :

Solo : Baby Lalrosangi - I thiltihtheihna, **Zaipawl :** Champhai Vengsang Bial Zaipawl - Ka duhber che, **Thusawi :** Lalrinzuali leh a thiante - Bible, **Solo :** Lalrammuani - Tawpna ni, **Zaipawl :** Hlimen Bial Zaipawl - Damna Isua

❑ **Hruaina Eng TV Programme**

20.3.2025 (Ningani) 08:30 pm : Thupui zir bing

21.3.2025 (Zirtawpni) 05:00 pm : Kristian Naupang Pual

22.3.2025 (Inrinni) 05:30 pm : Puitling Sunday School Zirlai

23.3.2025 (Pathianni) 08:00 am : Weekly round up

24.3.2025 (Thawhtanni) 08:30 pm : Hruaina Eng luang chhuak - Rev. Ralthansanga Ralte

25.3.2025 (Thawhlelni) 06:00 pm : Nilai zan thupui

08:30 pm : Kohhran Chanchin - Bawngkawn Kohhran

□ **Moderator leh Executive Secretary-te Programme:**

Rev. R.C. Lalnghakliana : Moderator

March 16, 2025 Buhchangphai Bial
 March 25, 2025 OM
 March 26 & 28, 2025 Synod Service Board
 March 27, 2025 Dulte Kohhran Biak In hawn
 March 29-30, 2025 Champhai Bethel Bial

Rev. V.L. Luaia Hranleh : Senior Executive Secretary

March 25, 2025 OM
 March 26 leh 28, 2025 Synod Service Board

Rev. Dr. K. Lallawmzuala : Executive Secretary

March 19-22, 2025 Masters College of Theology, Visakapatnam - Farewell & Dedication programme
 March 25, 2025 OM
 March 26 leh 28, 2025 Synod Service Board
 March 27, 2025 Central KTP Committee
 March 30, 2025 Rescue Home, Durtlang

Rev. Dr. Rosiamliana Tochwawng : Executive Secretary

March 21, 2025 Campus Ministry programme
 March 22, 2025 FG&CC programme
 March 23, 2025 Muallungthu Kohhran (Zan)
 March 25, 2025 OM
 March 26 leh 28, 2025 Synod Service Board

SYNOD BOOKROOM LEHKHABU CHHUAKE THAR - MARCH, 2025

- | | |
|---|---------|
| 1. Min Thlahthlam Lo: <i>Rev. Lalbiaknia</i> | ₹ 150/- |
| 2. Nitin Pen Khat: <i>Rev. Lalrinawma</i> | ₹ 250/- |
| 3. Thawnthu Ka Han Hrilh Ang Che Aw: <i>Ramdini Fanai</i> | ₹ 300/- |
| 4. Vanneihtluanga Sulhnu Thlan Khawm: <i>Vanneihtluanga</i> | ₹ 180/- |
| 5. Journey To The Center Of The Earth: <i>Isaak Roluahpuia & Zomuanpuii Khawlhiring lehl</i> | ₹ 300/- |

SYNOD REVIVAL HRIATTIRNA

April 8-12, 2025 chung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu Vanlalchhuanawma Chhangte, Kraws Hnehna Maicham Team a ni ang. Camping Fee mi pakhat tan ₹ 100/- a ni a, mutbu bakah Bible, Hla bu, Pen, Note bu ken tur a ni. Ruih theih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

